

տասներորդի գերանի վերայ գրուած է. «Ած. ողորմեա ստացողի սորա եւ մեզ», ներքեի գերանի վերայ. «Տր. Ած. ողորմեայ Իգնատիոսի: ամէն»: Կողովի մէջ կարմիր գնդակներ (խնձոր, նուռ): Խորանի տարածութիւնը ցօղունների հիւսուած է մէջտեղում տերեւ, իսկ շրջանակը կանաչ և կարմիր դոյներով մէջը զարդարուն եռանկիւնների շարք է. ճակատի կեդրոնում մէկը հիւսուածքի զարդ, իսկ տասներորդինը հնգատերեւ, տերեւների միացման տեղում կարմիր գնդակով:

Կանոնների զարդագրութիւնը վերջաւորում է զեղեցիկ ձևակերպուած մի խաչով, եռամասնեայ կամարի վերայ կալմուած խորանով, որ հաստատուած է երկու սիւնների վերայ (պատկ. 15): Այս եւ

միւս սիւնները, ինչպէս և եռամասնեայ կամարը, երեւան են գալիս մեր ճարտարապետութեան և մանրանկարչութեան մէջ ԺԱ. դարից սկսած. մեր խորանների օրինակն էլ իւր ամբողջական ձևակերպութեամբ այդ դարի հետ պիտի կապուած լինի, թէև մի քանի մօտիւններ՝ կողովներն ու ոճաւորած թռչունները աւելի վաղ՝ ասորական և սասանեան աւանդներ են մատնանշում: Խաչը հաստատուած քառանկիւնի պատուանդանի վերայ, որ զարդարուած է բուսական օրնամենտով. երկու կողմից գեղեցիկ աշտանակների վերայ հաստատուած վառուող, զարդարուն մոմերով: Ներքեի տախտակի վերայ եղած յիշատակութիւնը նկարչի անուան՝ տեսանք վերև:

